

朱彝尊纂

詞

綜

世界書局印行

中華民國二十五年三月初版

詞

綜

(全一冊)

定價國幣一元五角

(外埠酌加運費匯費)

出版者 國學整理社

發行者 世界書局

印刷者 上海人連海路
世界書局

發行所

上海及各省 世界書局



序

自有詩而長短句卽寓焉。南風之操。五子之歌。是已。周之頌三十一篇。長短句居十八。漢郊祀歌十九篇。長短句居其五。至短簫簫歌十八篇。篇皆長短句。謂非詞之源乎。迄于六代。江南採蓮諸曲。去倚聲不遠。其不卽變爲詞者。四聲猶未諧暢也。自古詩變爲近體。而五七言絕句傳于伶官樂部。長短句無所依。則不得不更爲詞。當開元盛日。王之渙。高適。王昌齡詩句。流播旗亭。而李白菩薩蠻等詞。亦被之歌曲。古詩之於樂府。近體之於詞。分鑣並騁。非有先後。謂詩降爲詞。以詞爲詩之餘。殆非通論矣。西蜀南唐而後。作者日盛。宣和君臣。轉相矜尚。曲調愈多。流派因之亦別。短長互見。言情者或失之俚。使事者或失之伉。鄱陽姜夔出。句琢字鍊。歸於醇雅。於是史達祖。高觀國。羽翼之。張輯。吳文英。師之於前。趙以夫。蔣捷。周密。陳允衡。王沂孫。張炎。張翥。效之於後。譬之於樂。舞筵至於九變。而詞之能事畢矣。世之論詞者。惟草堂是規。白石。梅溪諸家。或未闕其集。輒高自矜詡。予嘗病焉。顧未有以奪之也。友人朱子錫鬯。輯有唐以來迄於元人所爲詞。凡一十八卷。目曰詞綜。訪予梧桐鄉。予覽而有契於心。請雕刻以行。朱子曰。未也。宋元詞集。傳於今者。計不下二百家。吾之所見。僅及其半而已。子其博搜以輔吾不足。然後可。予曰。唯唯。錫鬯仍北遊京師。南至於白下。逾三年歸。廣爲二十六卷。予亦往來苕霅間。從故藏書家抄白諸集。相對

參論。復益以四卷。凡三十卷。計覽觀宋元詞集一百七十家。傳記小說地志共三百餘家。歷歲入稔。然後成書。庶幾可一洗草堂之陋。而倚聲者知所宗矣。若其論世而敘次詞人爵里。勘讐同異而辨其譌。則柯子寓菴。周子青士力也。

皆康熙戊午嘉平之朔。休陽汪森書于裘村。篋

發凡

朱彝尊纂

唐宋以來作者長短句每別爲一編不入集中以是散佚最易常熟吳氏訥彙有宋元百家詞抄傳絕少未見全書近日毛氏晉刻有汲古閣六十家宋詞頗有裨于學者是編所錄半屬抄本白門則借之周上舍雪客黃徵士俞邵京師則借之宋員外牧仲成進士容若吳下則借之徐太史健庵里門則借之曹侍郎秋岳餘則注子晉賢購諸吳興藏書家互爲參定其已經選輯者南唐二主詞集一卷馮延巳陽春錄一卷潘閬逍遙詞一卷林逋和靖先生集詞晏殊珠玉詞一卷歐陽修六一居士詞三卷王安石半山老人詞一卷晏幾道小山詞二卷張先子野詞一卷柳永樂章集九卷蘇軾東坡居士詞二卷黃庭堅琴趣外篇二卷秦觀淮海詞三卷晁補之詞一卷陳師道後山長短句二卷李之儀姑溪集詞二卷賀鑄東山寓聲樂府三卷毛滂東堂詞二卷杜安世詞一卷黃裳演山集詞二卷葛勝仲丹陽詞一卷周紫芝竹坡居士樂府三卷謝逸溪堂詞一卷謝邁竹友詞一卷葛郊信齋詞一卷廖行之省齋詩餘周邦彥清真集三卷晁端禮閑齋琴趣外篇一卷徐仲青山樂府一卷呂渭老詞一卷徐積節孝集附詞陳瓘了齋詞一卷王安中初寮集詞一卷向子諲酒邊集四卷蔡伸友古詞一卷王庭珪虛溪詞二卷葉夢得石林詞一卷王之道的相山居士詞二卷向鎬樂齋詞二卷沈瀛竹齋詞一卷劉斧雲龍集詞一卷汪藻

浮溪文粹附詞。趙師俠坦菴長短句一卷。陳與義無住詞一卷。劉一止荅
溪詞一卷。趙長卿惜香樂府十卷。王灼頤堂詞一卷。張綱華陽老人長短
句。岳飛金陀粹編家集附詞。張元幹蘆川詞一卷。鄧肅旂幟集詞一卷。劉
子翬屏山集附詞。張掄蓮社詞一卷。朱敦儒樵歌三卷。曾覲海野詞一卷。
楊無咎逃禪詞三卷。侯寘癩窟詞一卷。曾惇詞一卷。朱雍梅詞一卷。辛棄
疾稼軒樂府十二卷。苑成大石湖詞一卷。黃公度知稼翁詞一卷。葛立方
歸愚詞一卷。張孝祥于湖詞一卷。程垓書舟雅詞二卷。韓元吉焦尾集詞
一卷。周必大近體樂府一卷。倪偁綺川詞一卷。姚述堯簫臺公餘詞一卷。
京鏜松坡居士樂府一卷。朱熹晦庵詞一卷。洪适盤洲集詞二卷。吳儆竹
洲詞一卷。楊萬里誠齋樂府一卷。李處全晦庵詞一卷。丘密文定公詞一
卷。羅願鄂州小集附詞。劉克莊後村別調一卷。趙彥端介庵詞四卷。管鑑
養拙堂詞一卷。張鉉玉照堂詞一卷。劉擬招山集樂章。程泌銘水集詞一
卷。王千秋審齋詞一卷。姜夔白石詞一卷。陸游渭南集詞二卷。陳亮龍川
集詞二卷。劉過龍洲詞一卷。楊炎西樵語業一卷。張輯東澤綺語債一卷。
謝懋靜寄居士樂章二卷。黃機竹齋詩餘一卷。劉鎮隨如百詠。吳禮之順
受老人詞五卷。許棐梅屋詩餘一卷。戴復古石屏詞一卷。毛幵樵隱詞一
卷。洪咨夔平齋詞一卷。郭應祥笑笑詞一卷。盧祖臯浦江詞一卷。高觀國
竹屋癡語一卷。史達祖梅溪詞二卷。汪莘方壺存稿詞二卷。吳潛履齋詩
餘三卷。李昂英文溪詞一卷。趙以夫虛齋樂府二卷。陳經國龜峯詞一卷。

方岳秋厓先生小稿詞四卷。張渠芸窗詞一卷。洪璚空同詞一卷。方千里和清真詞一卷。楊澤民續和清真詞一卷。盧炳哄堂詞一卷。沈端節克齋詞一卷。黃昇散花庵詞一卷。嚴羽滄浪集附詞。王以寧詞一卷。吳文英夢牕甲乙丙丁稿四卷。蔣捷竹山詞一卷。陳允平日湖漁唱二卷。周密草窗詞二卷。王沂孫碧山樂府二卷。張炎玉田詞二卷。石孝友金谷遺音一卷。林正大風雅遺音四卷。張矩梅淵詞。陳德武白雪遺音一卷。文天祥文山集詞一卷。王鼎翁遺集附詞。何夢桂潛齋詞一卷。惠洪石門文字禪附詞。葛長庚海壖詞二卷。李清照漱玉集一卷。朱淑真斷腸集一卷。韓玉東浦詞一卷。段克己遜齋樂府一卷。段成己菊軒樂府一卷。元好問遺山樂府二卷。許衡魯齋集附詞。程鉅夫雪樓集詞一卷。王惲秋澗集詞四卷。趙孟頫松雪詞一卷。劉因樵庵詞一卷。汪宗臣紫岩集附詞。吳澄草廬詞一卷。虞集道園學古錄詞一卷。宋褰燕石集詞一卷。劉詵桂隱集附詞。曹伯啓漢泉漫稿詞一卷。許有壬圭塘小蘂詞一卷。薩都刺雁門集詞一卷。張翥蛺蝶詞二卷。袁易靜春詞一卷。沈禧竹窗詞一卷。洪希文續軒渠集詞一卷。張可久小山樂府二卷。喬吉惺惺老人樂府一卷。張堃古山樂府一卷。倪瓚清閨閣詞一卷。顧瑛玉山璞附詞。陶宗儀南村集附詞。邵亨貞蛾術詞選四卷。凌雲翰柘溪集詞一卷。王行半軒集詞一卷。張雨貞居詞一卷。凡百六十餘家。雖已覽觀未入選者。楊杰無爲集。徐經孫文惠集。徐鹿卿清正集。魏了翁鶴山詞。王義山稼軒類稿。又順齋樂府。虛靖真君詞。洞玄

珠玉集凡八家。

藏書家編目錄。詞集多不見收。惟莆田陳氏書錄解題論其大略。鄱陽馬氏采入通考志中。所載晁冲之具茨集。王觀冠柳集。趙令時聊復集。蘇庠後湖集。万俟雅言大聲集。陳克赤城詞。康與之順菴樂府。趙鼎得全居士集。劉光祖鶴林詞。左譽筠菴長短句。姚寬西溪居士樂府。蘇洞冷然閣集。嚴仁清江欵乃詞。孫惟信花翁詞。魏子敬詞。王武子詞。李洪兄弟花萼集。吳激東山集。蔡松年蕭閑公集。舊本散失。未經寓目。或詩集雖在而詞則闕如。僅於選本中錄其一二。至于汪元量水雲詞。蔡桡浩歌集。黃人傑可軒曲林。黃定鳳城詞。曹冠燕喜集。馬寧祖退園詞。吳鑑敬齋詞。袁去華詞。侯延慶退齋詞。黃談潤壑詞。林淳定齋詩餘。鄧元漫堂集。王大受近情集。張孝忠野適堂詞。劉德秀默軒詞。鍾將之岫雲詞。徐得之西園鼓吹。李叔猷東老詞。方信儒好菴游戲。陳從古洮湖詞。韓子耕蕭閒詞。隻字未見。此外誤者尙多。海內收藏之家。或有存本。倘許借觀。願仿曾氏雅詞之例。別爲拾遺。附于卷末。

世人言詞。必稱北宋。然詞至南宋始極其工。至宋季而始極其變。姜堯章氏最爲傑出。惜乎白石樂府五卷。今僅存二十餘闋也。東澤綺語。傳亦寥寥。至施乘之孫季蕃盛以詞鳴。沈伯時樂府指迷亦爲矜譽。今求其集不可復覩。周公謹陳君衡王聖與集。雖抄傳公謹賦西湖十景。當日屬和者甚衆。而今集無之。花草粹編載有君衡二詞。陸輔之詞旨載有聖與霜

天曉角等調中語。均今集所無。至張叔夏詞集。晉賢所編。合之牧仲員外。雪客上舍所抄。暨常熟吳氏百家詞本。校對無異。以爲完書。頃吳門錢進士宮聲相遇都亭。謂家有藏本。乃陶南村手書。多至三百闕。則予所見猶未及半。漏萬之譏。殆不免矣。

古詞選本。若家宴集。謫仙集。蘭畹集。復雅歌辭類分樂章。羣公詩餘後編。五十大曲。萬曲類編。及草廔周氏選。皆軼不傳。獨草堂詩餘所收。最下最傳。三百年來學者。守爲兔園冊。無惑乎詞之不振也。是集兼采趙弘基花間集。黃昇花庵絕妙詞。中興以來絕妙詞。陳景沂全芳備祖樂府。元好問中州樂府。彭致中鳴鶴餘音。鳳林書院元詞樂府補題。許有孚圭塘欵乃集。顧梧芳尊前集。楊慎詞林萬選。陳耀文花草粹編。沈際飛草堂詩餘廣集。茅映詞的。卓人月詞統諸書。務去陳言。歸于正始。至如曾慥樂府雅詞。天機餘錦。采入花草粹編。趙粹夫陽春白雪集。見李開先小山樂府後序。則諸書嘉隆間猶未散軼。而天機碎錦。片玉珠璣二集。聞江都藏書家有之。又如百一選曲。太平樂府。詩酒餘音。仙音妙選。樂府新聲。樂府羣珠。樂府羣玉。曲海之內。定有詞章可采。惜俱未之見也。

向客太原。見晉祠石刻。多北宋人唱和詞。而平遙縣治西古寺廡下。有金人所作小令。勒石嵌壁。令工人掘回。經十餘年。磨之故釐。則已爲鼠嚙盡。是集成。未克採入。深以爲恨。計海內名山苔龜石壁。宋元人留題長短句尙多。好事君子。惠我片楮。無異雙金也。

詞有當時盛傳。久而翻逸者。遺珠片玉。往往見于稗官載紀。是編自百川學海。古今小說。唐宋叢書。會氏類說。吳氏能改齋漫錄。阮氏詩話總龜。胡氏苕溪漁隱叢話。陶氏說郛。商氏稗海。陸氏說海。陳氏祕笈外。繙閱小說。又不下數十家。片詞足采。輒事筆疏。故多他選未見之作。庶幾一閱生面。佐予討論編纂者。汪子而外。則安丘曹舍人升六。無錫嚴徵士蓀友。江都汪舍人季冉。宜興陳徵士其年。華亭錢舍人葆初。吳江俞處士無殊。休寧汪上舍周士季青。錢塘龔主事天石。同郡俞處士右吉。沈上舍融谷。繆處士天自。沈布衣覃九。葉舍人元禮。李徵士武。曾布衣分虎。沈秀才山子。柯孝廉翰周。浦布衣傳功。暨門人周儼岳也。鏤版未竟。而錢葉二君相繼奄逝。可爲泫然。

詞人姓氏爵重。選家書法不一。先系爵後書名者。花間集中。州樂府體也。書字於官爵下者。絕妙詞選體也。書名者。全芳備祖體也。書字者。草堂體也。冠別字於姓名之前者。鳳林書院體也。至楊氏詞林萬選。陳氏花草粹編。或書名。或書字。或書別字。或書官。或書集。覽者茫然。莫究其世次。甚有別本以朱三十五樵歌爲秋娘作者。良可大噱。是集考之正史。參以地志。傳紀。小說。以集歸人。以字歸名。得十之八九。論世之功。柯子寓匏有焉。周布衣青士。隱於塵市。於書無所不闕。辨證古今字句音韻之譌。輒極精當。是集藉其校讎。如史梅溪綺羅香後闋。還被春潮晚急。原係六字爲句。草堂坊本脫去晚字。諸本因之。周晴川十六字令。眠。月影穿窗白玉錢。

原係眠字爲句。選本譌作明字。遂以明月影爲句。歐陽永叔越溪春結語。沉麝不燒金鴨。玲瓏月照梨花。並係六字句。坊本譌玲爲冷。瓏爲籠。遂以七字五字爲句。德祐太學生祝英臺近。那人何處。怎知道。愁來不去。譌不爲又。一字之乖。全旨皆失。今悉爲改正。他如蘇子瞻念奴嬌。則從容齋隨筆。汪彥章點降唇。則從能改齋漫錄。王晉卿燭影搖紅。則從漫錄去其前闕。李后主臨江仙。則從耆舊續聞補其結語。其餘糾定。難更僕數。坊間雖有圖譜倚聲者。宜攷質焉。

四聲二十八調。各有其倫。柳屯田樂章集。有同一曲名。字數長短不齊。分入各調者。姜石帚湘月詞注云。此念奴嬌之鬲指聲也。則曲同字數同。而湘月念奴嬌調實不同。合之爲一非矣。詞固有一曲而各異其名者。是選悉依集本。不敢更易。審音者度無勿知。似不必比而同之也。

張子野弔林君復詩。烟雨詞亡草更青。蔡君謨寄李良定詩。多麗新詞到海邊。一篇之工。見之吟咏。山抹微雲。秦學士露華倒影柳屯田。曉風殘月。柳三變。滴粉搓酥。左與言。一句之工。形諸口號。當日風尚。所存甄藻。自爾不爽。故是集多綴宋元人評語。有明用脩。元美諸家品鑑。容有未當。或置不錄焉。

宣政而後。士大夫爭爲獻壽之詞。聯篇累牘。殊無意味。至魏華父則非此不作矣。是集于千百之中。止存一二。雖華甫亦置不錄也。

元人小曲。如乾荷葉。天淨沙。凭欄人。平湖樂。一名下桃紅。等調。平上去三

聲並用。往往編入詞集。然按之宋詞。如戚氏。西江月。換巢鸞鳳。少年心。惜分釵。漁家傲。杜安世集中體諸闕。已爲曲韻濫觴矣。是集開有采錄。蓋做楊氏詞林萬選之例。覽者幸勿以詞曲混一爲訕。

言情之作。易流於穢。此宋人選詞多以雅爲目。法秀道人語涪翁曰。作艷詞當墮鞦韆舌地獄。正指涪翁一等體製而言耳。填詞最雅。無過石帚。草堂詩餘不登其隻字。見胡浩立春吉席之作。蜜殊咏桂之章。亟收卷中。可謂無目者也。甚而易靜兵要寓聲于望江南。張用成悟真篇按調爲西江月。詞至此亦不幸極矣。是集於黃九之作。去取特嚴。不敢曲徇後山之說。宋人編集歌詞。長者曰慢。短者曰令。初無中調長詞之目。自顧從敬編草堂詞。以臆見分之。後遂相沿。殊屬牽率。歲在癸丑。舍館京師。宣武門右。與葆齋舍人戶庭相望。予輯是書。葆齋輯詞。嘔。辨晰體製。以字數多寡爲先後。最爲精密。計一千調。編爲三十卷。比年聞更增益。予所見鳴鶴餘音。洞玄金玉集。及他抄本。曲調異同。詞嘔未經采入者約又百餘。惜未遑郵寄。今葆齋逝矣。遺書在笥。雕刻無期。誠倚聲家之闕事也。

花間體製。調卽是題。如女冠子。則詠女道士。河瀆神。則爲送迎神曲。虞美人。則詠虞姬是也。宋人詞集。大約無題。自花庵草堂增入閨情。閨思。四時景等題。深爲可憎。今俱準集本刪去。

明初作手。若楊孟載。高季迪。劉伯溫輩。皆溫雅芊麗。咀宮含商。李昌祺。王達翁。瞿宗吉之流。亦能接武。至錢唐馬浩瀾。以詞名東南。陳言穢語。俗

氣薰入骨髓。殆不可醫。周白川、夏公謹諸老。間有硬語。楊用修、王元美則強作解事。均與樂章未諧。然三百年中。豈無合作。當遍搜文集。發其幽光。編爲二集。繼是編之後。

古今詞話一書。博訪未得。詞人瑣事。散見各家詩話及傳記小說中。捃拾需時。是集未能附綴。將仿孟檠本事詩。計敏夫唐詩紀事。別爲一集。以資談柄。近吳江徐徵士電發著詞苑叢譚一書。可云先獲我心。當饒其單行矣。

目錄

卷一 唐詞六十

八首

昭宗皇帝	一
李白	一
張志和	二
韋應物	二
戴叔倫	三
王建	三
韓翃	三
白居易	三
劉禹錫	四
溫庭筠	四
皇甫松	九
鄭符	一〇
段成式	一〇
司空圖	一〇
韓偓	一一

張曙……………二

呂崑……………二

柳氏……………二

王麗真……………二

無名氏……………二

卷二 五代十國

詞七十一首

後唐莊宗	二
蜀主王衍	二
蜀主孟昶	二
南唐中宗李景	三
後主李煜	三
和凝	五
韋莊	一六
薛昭蘊	一九
牛嶠	二〇
毛文錫	二一

牛希濟……………三

歐陽炯……………三

卷三 五代十國

詞七十六首

顧夔	二四
鹿虔展	二六
閻選	二六
魏承班	二七
尹鶚	二七
毛熙震	二八
李珣	二八
孫光憲	三一
張泌	三三
馮延巳	三四
成幼文	三八
耿玉真女郎	三八

卷四 宋詞六十

七首

徽宗皇帝	三八
高宗皇帝	三九
徐昌圖	三九
潘閬	三九
夏竦	四〇
寇準	四〇
王禹偁	四一
錢惟演	四一
晏殊	四一
賈昌朝	四三
王琪	四三
林逋	四四
李遵勳	四四
葉清臣	四四
聶冠卿	四五
李師中	四五
韓琦	四五
范仲淹	四六

宋祁

鄭獬	四七
韓縝	四七
張昇	四八
謝絳	四八
歐陽脩	四八
梅堯臣	五三
石延年	五三
司馬光	五三
王安石	五三
范純仁	五四
卷五 宋詞七十首	
晏幾道	五四
張先	五九
柳永	六五
卷六 宋詞六十首	
蘇軾	七一

黃庭堅

秦觀	七六
晁補之	八〇
張耒	八四
陳師道	八五
李廌	八五
李之儀	八五
卷七 宋詞六十首	
賀鑄	八六
毛滂	八九
王仲	九三
杜安世	九三
李元膺	九四
孫洙	九五
朱服	九五
章楶	九五
舒亶	九六
李清臣	九六

王詵……………九六

陳亞……………一〇四

葛鄉……………一二四

趙令時……………九七

張舜民……………一〇四

廖行之……………一二五

王安禮……………九七

王雱……………一〇五

卷九 宋詞五十

王安國……………九八

蔡挺……………一〇五

六首

曾肇……………九八

汪輔之……………一〇五

周邦彥……………一二五

晁冲之……………九八

趙鼎臣……………一〇五

晁端禮……………一二四

秦觀……………九八

蘇庠……………一〇六

田不伐……………一二五

王觀……………一〇〇

劉涇……………一〇六

曹組……………一二六

卷八 宋詞六十

潘元質……………一〇七

萬俟雅言……………一二七

孔平仲……………一〇一

蘇過……………一〇七

徐伸……………一二九

米芾……………一〇一

秦湛……………一〇七

卷十 宋詞六十

滕宗諒……………一〇二

許庭……………一〇八

一首

鄭僅……………一〇二

葛勝仲……………一〇八

陳克……………一二九

黃裳……………一〇二

李冠……………一〇八

李祁……………一三〇

張景修……………一〇三

張表臣……………一〇九

呂渭老……………一三一

孫臏……………一〇三

查荃……………一〇九

趙企……………一三五

程過……………一〇三

周紫芝……………一〇九

李持正……………一三五

解昉……………一〇四

謝逸……………一二二

王采……………一三五

謝過……………一〇四

謝過……………一二四

韓駒……………一三六

徐積	一三六
何籀	一三六
蔣子雲	一三六
宋齊愈	一三七
李甲	一三七
夏倪	一三八
沈會宗	一三八
廖世美	一三九
林少瞻	一三九
何大圭	一三九
沈公述	一四〇
魯逸仲	一四〇
何棨	一四〇
陳瓘	一四一
王安中	一四一
楊廷	一四二
方喬	一四二
李玉	一四二
波子山	一四三

謝克家	一四三
卷十一 宋詞大	
十四首	
向子諲	一四三
蔡伸	一四五
王庭珪	一四八
葉夢得	一四八
王之道	一四九
向鎬	一四九
沈瀛	一五〇
李邴	一五〇
劉弁	一五一
汪藻	一五二
曾紆	一五二
徐俯	一五二
趙師俠	一五三
陳與義	一五三
劉一止	一五四
趙長卿	一五五

王灼	一五七
張綱	一五七
王十朋	一五七
卷十二 宋詞大	
十三首	
趙鼎	一五八
岳飛	一五九
李彌遜	一五九
朱翌	一五九
張元幹	一六〇
洪皓	一六一
呂本中	一六二
鄧肅	一六二
劉子翬	一六三
張掄	一六三
朱敦儒	一六三
康與之	一六六
吳億	一六七
曾覲	一六七